



**ARRATIAKO UDALEN
MANKOMUNITATEA**

BERDINTASUN ZERBITZUA

ZEANURIKO UDALA

2015EKO EBALUAZIOA.

Sarrera

2015ean, aurreko urteetan legez, Zeanuriako Udalak AUMko Berdintasun Zerbitzuaren laguntza izan du Berdintasunerako politikak aurrera erateko.

Proposatuko diren ekintza batzuk Zeanurin antolatu eta herrian zertzeko izan dira, eta beste batzuk Arratia guztirako ekintzak izan dira.

Lan ildoak

1. BERDINTASUNAREN ALDEKO GOBERNANTZA

Zeanuriko Udalak genero ikuspegia udalaren jardueretan txertatzeko prozesua jarri zuen martxan 2013an. Hala, prozesuan lau ardatz landu dira: erabilitako hizkera eta irudiak, datu desagregatuak, osaketa parekidea eta berdintasun klausulak.

2015ean, prozesuak aurrera jarraitu du. Hain zuzen ere Zerbitzuak prestakuntza, jarraipena, ebaluazioa eta materiala prestatu eta zertu ditu, apurka-apurka genero ikuspegia jarduera guztietan sar dadin.

2015ean, eta aipatutako proiektua gauzatzeko, honako ekintzak proposatu dira:

- Prozesuaren aurkezpena udal politikariei.
- Banakako prestakuntza saioekin jarraitzea.
- Berdintasun klausulak: Berdintasun klausulen gida prestatzea, dokumentu praktikoa izan dadin.
- Kultura, Kirola, Gazte, eta Euskara Sailekin koordinazio batzarrak egitea, berdintasun arlotik antolatutakoa koordinatzeko eta gainerako arloetan egin beharrekoan genero ikuspegia txertatzeko.
- 2015ean, Zeanuriko Udalak Berdinbidean Bizkaia programan hartu du parte, Aurrekontuak Genero Ikuspegiarekin lan ildoak lantzeko. Horren barruan, Diru-laguntzen atala, IV Kapituluak aztertu da eta hobetzeko proposamenak egin dira. Horrezaz gain, Udaleko ordezkariak prestakuntza jaso dute.

- 2015ean, Udalak honako ikerketa jarri du martxan: hirigintzari buruzko hausnarketa genero ikuspegiarekin. Lanak hiru helburu ditu:

1: Emakumeen eta gizonen berdintasuna indartzea, hirigintza arloan genero ikuspegia sartuta. Hirigintza emakumeengana hurbiltzea, alor horretan ez dutelako parterik hartzen eta horretan ere euren jabetzua sustatzeko.

2: Auzoetan bizi diren emakumeen parte hartzea sustatzea (erdigunetik urrun bizi direnak). Administrazioak ahalegin berezia egin behar du euren parte hartzea errazteko.

3: Erakundeak herritarrengana hurbiltzeko esperientziak garatzea, zuzeneko lotura izateko, ondorioz, baliabide publikoen kudeaketa demokratikoagoa eta parte hartzaileagoa izateko.

2. EMAKUMEEN AHALDUNTZEA ETA GIZARTE BALIOEN ALDAKETA

2015ean ekintza desberdinak antolatu dira ardatzaren barruan:

- Martxoaren 8ko eta azaroaren 25eko kanpainak: Bai herrian, bai Arratian antolatutako ekintzak.
- M8, eta A25 eta Adierazpen instituzionalak.
- AUMko berdintasun zerbitzuak ahalduntzea bideratzeko ikastaroak antolatu ditu eta horren berri eman dio Udalari.

3. ERANTZUNKIDETASUNEAN OINARRITUTAKO JENDARTE ANTOLAKETA

- 2015ean, AUMko berdintasun zerbitzuak erantzunkidetasunari buruzko tailerra antolatu du Arratiako mutil eta gizonezkoentzat Gizonduz programaren barruan, euren parte hartzea sustatzeko.
- Zeanuriko eskolarekin eta guraso elkartearekin hezkidetzak lantzen jarraitu da.

4. EMAKUMEEN KONTRAKO INDARKERIA

AUMko Berdintasun Zerbitzuak prestakuntza, jarraipena, ebaluazioa eta materiala prestatu eta zertu ditu, apurka-apurka, emakumeen kontrako indarkeriari aurre egiteko eragile eta esparru guztiak koordinatu eta bide beretik eragiteko: Udalak, AUM, elkarteak, talde feministak, hezkuntza zentroak, aisialdi taldeak, hedabideak...

Sentsibilizazioa:

- 2015ean sentsibilizazioa lantzen jarraitu da. Helburua, zeaniztar guztiak indarkeriari buruzko informazioa izatea, indarkeria biziz gero edo bizi duen norbait ezagutzuz gero, jakiteko zelan jokatu.

- Horrezaz gain, Arratiako hedabideen bitartez (Gorbeialde Irratia, Begitu eta AUMko aldizkaria) gaiari buruzko elkarrizketak eta sentsibilizaziorako jarduerak gauzatu dira.

Prestakuntza

- Prestakuntza saioak antolatu dira udaleko beharginentzat, politikarientzat eta herritarrentzat, kasuren bat izanez gero, jakiteko zelan jokatu.
- Gainera, AUMko Berdintasun Zerbitzukoek genero indarkeriaren inguruko prestakuntza jasotzen jarraitu dute, etengabeko trebakuntza ezinbestekoa delako hobeto lan egiteko.

Prebentzioa

- Gazteen artean indarkeria prebenitzeko, AUMko berdintasun zerbitzuak Beldur Barik lehiaketa du. 2015ean ere, martxan jarri du lehiaketa. Sari-banaketa Zeanuriko Kultur Etxean egin zen eta beran 70 lagunetik gora hartu zuten parte.
- Batzarrak egin dira Zeanuriko gazte lekuko arduradunekin, beldur barik lehiaketa koordinatzeko.

Arreta

Indarkeria bizi duten emakumeen arreta hobea emateko eta koordinatzeko, AUMk protokoloa du.

2015ean, jarraitu egin du arreta hobetzeko mahaiak prestatzen:

- Arreta hobetzeko, AUMn mahai bi daude: barne Mahaia, Gizarte zerbitzuek eta berdintasun zerbitzuak osotutakoa eta erakundeen arteko mahai tekniko: AUMko Gizarte eta berdintasun zerbitzuak, Durangoko Ertzaintza, Arratiako Osasun zentroak eta Galdakaoko Ospitaleko larrialdiak. Mahai bien helburua emakumeei eman beharreko arreta hobetzea eta koordinatzea da.
- 2015ean, mahai bina egon dira, protokoloari jarraipena emateko.